

序

周官外史掌四國之志志之書法兩防
也兩漢言地志者若史遷朱貢劉向之
或述河渠而不及物產或記地域風
俗而不及人物班固所叙較詳矣亦復
多所脫漏晉摯虞始合州郡及縣分野

封畧事業國邑山陵水泉鄉亭城道里
土田民物風俗先賢舊好爲一書名曰
畿服經多至百七十卷後世依以修郡
邑志雖類例條目間有增減更易體段
卒不能越也凡郡若邑所在有志率不

免爲大雅軒渠大抵規模雖具非里谷

淺狹而失之陋卽醜博而失之蕪夫修
史須才學識兼具志固史之輔也士大
夫奈何難言史而易言志乎寶豐之志
凡數修矣顧其爲縣省併析置之無常
卽在周秦爲侯國封域界劃亦無顯據
故軼事之在徃籍者甚尠羅折衷允

非易易也邑長李君行亭夙勤苦嗜學
餽饌百氏精於制舉藝其爲治首加意
闡揚風教倡建義塾十餘區廩給生徒
時其箴廸士習爲之日上茲復於政成
人和之餘從黎獻之請纂輯志乘凡舊
志之缺者補之繁者芟之稿成寄正於

予公餘披閱一過喜其涵今茹古考核
詳而去取嚴才學識兼而有焉以視前
之陋與蕪相去倍蓰矣急囑壽諸梓氏
以備一方之掌故資翰軒採擇焉

道光十七年歲次丁酉知河南直隸汝
州事黔陽楊兆李撰

重修寶豐縣志序

郡邑之有志其原蓋兼出於周禮之士訓
及誦訓古者天子省方觀民以二官夾王
車蹕路經由凡土之所宜俗之所忌形勢
之所存先聖大賢忠臣孝子之產於斯非
其產而遺蹟著於斯山川賦稅士習民風
雖事逾十載顧問所及奏對如數掌中繹

紋以土訓掌地圖誦訓掌方志也自勝國
來郡邑所在有志義法率不越此寶豐之
志其傳於今者李馬陸三家而已馬志成
於邑先生李橋水之手邑人士尤樂愛翫
予承之是邦距陸公修忠時四十餘年矣
黎獻數以續輯請方當務之急未暇也爲
縣既久興學勸農諸事頗已粗舉又幸時

日之闕邑衆復申前請詢謀僉同乃釐規
修志完衆其友人高推纂輯並進邑之賢
士大夫互相參校余於案牘之暇復稽輿
論準情勢折衷去取之總以馬志作粉本
考証則兼資陸忠亦間據古籍出鄙見益
所未備五閱月而歲事夫志之修非徒侈
山水誇風土博引繁稱藻麗其詞為慧業

文人流連光景地也誌土之所宜則知種
杞誌俗之所忌則知超避誌形勢誌之習
民風誌賦稅則知調割之方因草之宜去
其甚蘓其困救其敗而補其偏年天先聖
大賢即難驟幾而誦招忠烈可以作人方
正之氣誦揚孝友可以作人祇恭之必以
至傳文士而貪常嗜瑣者愧傳義士而鑽

核繁鑰者愧傳列女而閭型又賴以扶樹
故忠者為政之書化民成俗之要而考鏡
得失之林也必愛惜不執夫己是非不謀
於正而後無左証魏穢之誦是役也子同
諸君子虛衷討繹往復辯論夜闌未休以
為常夫武功朝邑兩志地里家以為極則
矣簡古可不及之而兢兢焉務體上訓誦

訓所掌與求免仍訛踵謬俚俗草率之意
或者尚不爲大雅軒渠乎而又未知果有
當否也

道光十七年歲次丁酉知河南直隸汝州

寶豐縣事靜寧李衍梧撰

重修寶豐縣志姓氏

總裁

奉政大夫知河南直隸汝州事黔陽甲寅舉人

楊兆李 慶蓮

總纂

文林郎知河南直隸汝州寶豐縣事阿陽丁卯舉人

李彷彿 竹亭

分纂

中牟縣儒學教諭襄城甲子副榜

耿典宗 東山

國子

監

肄業

浙江

鮑桂徵

栗園

訂正

寶豐縣儒學教諭偃師己卯副榜

李茂 雪樵

參訂

邑原任直隸寧晉縣知縣辛酉舉人 蘇耀

邑甲子舉人 李金臺

邑壬辰舉人 丁誥

邑丙申進士 丁浩

邑丁酉舉人 俞廷槐

總校

邑歲貢生 毛士雲

邑歲貢生 馬殿元

邑貢生 范德元

邑 候 選 訓 導 范德榜

邑 廩 生 余魁五

邑 候 選 訓 導 楊淮

分校

候 選 未 入 流 洪 漸 江南人

邑 丁 酉 拔 貢 生 秦錫田

邑 歲 貢 生 姬麟書

邑 貢 生 史相臣

邑 生 員 王賜

邑 生 員 裴朗

採訪

邑

監

生

練其哲

邑布

政

理

問

銜

岳鍾祥

邑

廩

生

馬炤

邑

生

員

盧鎔

邑

監

生

張朝鳳

邑

廩

生

陳應魁

邑

生員

議

叙

監

知事

銜 余萬全

邑

監

生

何殿試

邑

生

員

劉慎行

邑

監

生

李于欒

邑

監

生

王惠元

邑

監

生

馬耀德

邑

監

生

謝傲

邑

貢

生

蘭青雲

邑

監

生

劉士元

邑

監

生

席來章

邑

生

員

孫燦星

邑

武

生

姚清元

邑

生

員

陳家修

邑生員

朱崇德

邑生員

范德信

邑監生

龐墉

邑監生

余洛濱

邑生員

王槌

邑生員

李來麟

邑監生

曲廷瑞

邑監生議叙八品頂帶楊湖清

邑生員

葛得榜

邑生員

王槐三

邑

生

員

蘇德一

邑

生

員

閻振經

邑生員議叙鹽知事銜

余慶麟

邑

生

員

楊如旃

汝

州

監

生

白坤

督刑

寶

豐

縣

典史

漢

軍

施金鰲

繕稿

邑

儒

童

楊魁元

邢文淵

郝明鑑

楊仲夏

柴朗

寶豐縣志卷首一

凡例

一語有互見事無重出傳記例也陸志似昧此義概加刪落以符圭臬

一憑古籍增入者必註明出處間有節錄舊志續以已說文氣相屬卽不復識別

一志貴典賅尤貴簡明陸志於山川古蹟等援摭博而失之蕪所錄金石文尤猥濫故於其濫者削之蕪者節之使朗淨

一馬志書村落爲省察設也易之以圖形勢不煩言而解

一陸志倉廩物產歸田賦甲戶歸兵防究未允協茲以倉儲歸

建置甲戶歸籍賦物產歸輿地從馬志也至州境營地陸志入於兵防殊覺無謂惟縣地與營地錯類犬牙難免淆混茲特載入輿地以備稽考

一陸志祠廟有見於壇廟有見於寺觀有見於典祀參差不一茲以文廟別作學校一篇其餘有關典祀者入典祀無闕典祀者盡入寺觀以清眉目

一舊志於兵防雖以正史爲據而多公家言且多想當然語取其確切指邑者存之

一沿革職官選舉諸志馬志分類鋪叙陸志易以表從馬志者取其簡便

一舊志於屯田之在邑境者其管屯官尙載諸邑武職考明史汝州衛官有巡捕備禦責邑屬於汝其管屯官旣在邑境載諸邑志尙爲有說伊府承奉則藩府官也不與民事何義闌入至司掾衛掾卽今營中之字識總旗小旗舍人甲士直伍卒矣與官並列殊爲失當故一切從芟

一舊志改名宦稱循政附列女後法殊乖宜今移冠諸傳改從舊稱

一何文定論修志於人物不當作一類叙恐先王並於時賢故依馬志少爲變通

一史之藝文志歷代惟存書之篇自邑乘每濫登詩文非法也

茲以足備掌故者或附入建置或附於山川古蹟其有無類可歸而於邑亦非無關者特區爲三目曰談著曰金石曰文詞以次編錄庶不戾古亦不違俗

寶豐縣志卷首三

輿圖

左圖右史並藝苑珍而形勢之委折詮以言有不勝其繁者繪爲圖則一覽而可盡故圖與史相濟而隋圖經集記潤州圖註湘州圖副記所由繼前修而作也特刊輿圖十六於左

十里總圖 義學集鎮附

十里分圖 村庄附

城池全圖 街道附

衙署圖 典史署附

學宮圖 魁星閣 文昌宮附

明倫堂圖 儒學附

春風書院圖

十里總圖

每方十里

東北郊縣界三十三里

東至縣界四十五里

東南至界

縣界六十五里

汝河

石河即
養水

大石橋集

大龍山

香山

小龍山

中里義學
在程家集

程家集

寶四里義學
在關店街

關店街集

寶十里義學
寶九里義學
在小河岔
在二郎廟

玉帶河

准集義學

寶三里義學
在泰山廟

高王廟集
寶三里義學
在岔河寺

寶五里義學
在高皇廟

增子義學
在白雀寺

水港

九里山

水澗

應濟義學
在瀋陽鎮

應濟義學
在瀋陽鎮

瀋陽鎮

瀋陽鎮

陶家寨集

寶六里義學
在曹鎮

曹鎮集

臨應義學
在梅架寺

寶七里義學
在馬山

馬山

沙河即
澗水

東學水

學水

馬渡街
集

城關集
在城裏
正義學
七雲輪流

寶三里義學
在岔河寺

寶三里義學
在泰山廟

城關集
在城裏
正義學
七雲輪流

馬渡街
集

沙河即
澗水

沙河即
澗水

西西北汝州界三十里

汝河

湖浪山

三山

錢溝河

岳家寨集

訓孤山

寶三里
在商酒務
商酒務集

石河

沈河

石河

柏水

店頭街集

九子山

心蘭美學

連儀山

五朵山

樅水
青木嶺

激水

萍川

寶八里美學
在張八橋


西聖伊陽縣
界一百零五里


錫山

應水

西西南魯山界八里


寶三軍分圖 每方五里






寶二里分圖 每方五里







寶里分圖 每方五里







寶四里分圖 每方五里







寶五里分圖 每方五里





寶六軍分圖 每方五里





寶七里分圖 每方五里

郭庄

硃砂洞

李巷

東太平

關庄

下泥河


上泥河

西太平

吉村







寶九里分圖 每方五里

劉溝

大五庄

晉溝

吳庄

李庄

陳庄 賸庄

宋高堂

武庄

後堂

溫集

郭庄

高庄

焦店

野王

張巷

吳庄

閻庄

崔庄

張巷

岳庄

馬庄

王庄

劉樓

朱堂

發庄

魏庄

黃塚

薛庄

黃庄

兩霖店

秦庄

郭庄

姚孟寨

柴庄

閻庄

張巷

野王

崔庄

岳庄

馬庄

王庄

劉



山頭張

楊庄

董庄

下趙庄

劉庄

鳳凰嶺

前鳳凰嶺

半坡張

城

堂庄

座

石范庄

馬渡河

魏嶺

郭嶺

李庄

鹿庄


周庄

桃孫庄

韓庄

石匠庄

蔡溝




城池全圖 街道附

先農壇無

壇屬

河帶玉

山泰



演武場

拒水

廟
橋政仁

玉帶河

廟侯賈

騰藏街

永祿橋

廟障城 祠孝節

街

曹德憲

廟帝閻 龍亭

迎薰街

普濟堂

養濟街

寺壽鴻

社稷壇


巷渡普

街儀朝倉民便

堂音觀


橋惠家

壇







典史署



監獄



學宮圖 魁星閣附 文昌宮



樂器所

宗聖祠

文昌閣

魁星閣

名宦祠

戟

靈

類


照

禮門


門樓


奎樓

古學道



明倫堂圖
儒學附





崇聖祠


明倫堂


大門

署

屋

春風書院圖





寶豐縣志目錄

卷首 凡例 敘錄 輿圖

卷之一

宸翰紀

恩賚紀

卷之二

輿地志上

沿革
形勝

疆域
山川

卷之三

輿地志下

古蹟
物產

風俗

卷之四

建置志上

城池
書院

署廨
社學

學校
倉儲

卷之五

建置志下

水利
坊表

橋梁
普濟

集鎮
漏澤

寺觀

卷之六

典祀志

卷之七

籍賦志

里甲
賦稅

戶口
鹽引

卷之八

兵防志

驛遞
卡房

舖司
兵事

墩堡

卷之九

職官志

卷之十

選舉志

爵封附

卷之十一

名宦志

卷之十二

人物志

前哲
義行

烈士
武功

忠烈
流寓

孝友
方技

卷之十三

列女志上

卷之十四

列女志下

卷之十五

藝文志

譔著
文詞

金石

卷之十六

雜記志

夾祥
志原

識餘

寶豐縣志卷之一

寶豐縣知縣李昉梧纂輯

宸翰紀

翰林侍講學士吳坦前任檢討時

聖
祖仁皇帝

賜橫披一幅垣建閣敬奉什襲巡撫汪灝恭題

御書閣復摸泐於石塌本以遺鄉間

御書米芾詩一首風暖雲開晚照明華條深朕鳳皇城人間欲

識雲和態聽取新詩玉管聲前引首

佩文齋小璽後

臨米二字下康熙

宸翰

保合太和二小璽

恩賚紀

乾隆四十九年江西督糧道李邁前往吏部驗封司主事

時扈從

高宗純皇帝巡幸熱河行秋獮禮路出窟窟鷹圖山水暴漲艱苦

備嘗蒙

恩優賞綢緞八端荔子四枚

嘉慶元年正月初四日增生張崇業

時年八歲貢生候選

訓導何霽中

時年八
十有一

附生盛健一

時年七
十有九

同日恭預

皇極殿千叟宴蒙

上皇帝

恩賞

御製詩一首 柱杖一根 銀牌一面

銀牌式一兩陽文鏤
皇帝御賜養老一兩陽文鏤

皇極殿丙辰年
千叟宴重十五兩

紅紗紫綢各一疋 京布二疋 荷包一個

何霽中白布緣綢各一疋 餘與張崇業同 盛健一
十兩銀牌一面 紅綢黃絹各一疋 餘與張崇業同

御製詩

初御

皇極殿開千叟宴用乙巳年恭依

皇祖元韻

歸禪人應詞罷妍新正肇慶合開筵便因

皇極初臨日

朕於丙申年豫督寧壽宮爲歸政後頤居之所皇極殿卽寧壽宮前殿也落成以來已閱二十年尙

未臨御茲旣紀元周甲幸符初願元正授璽予皇帝大典禮成敷天慶洽因諏吉初四日御此殿復照五十年新正乾清宮千叟宴之例再舉耆筵一時縮壽盈堦嵩呼拜舞洎爲臨古未有之吉祥盛事

重舉乾清舊

宴年教孝教忠惟一篤曰今日昨又旬延敬

天勤政仍勗子敢謂從茲卽歇肩 丙辰新正上澣

御題

見陸志

增生張崇業嘉慶三年戊午科鄉試時年八十有七奏蒙

欽賜舉人嘉慶四年己未科會試三場完竣奉

旨加恩

欽賜翰林院檢討

增生張心一嘉慶五年庚申科鄉試時年八十有二奏蒙
欽賜舉人嘉慶六年辛酉科會試三場完竣奉

旨加恩

欽賜翰林院檢討

附生范光前嘉慶二十三年戊寅 恩科鄉試時年八十
以上奏蒙

欽賜副榜

庠生岳崑道光五年乙酉科鄉試時年八十以上奏蒙

寶豐縣志
卷之二
三
欽賜副榜

雍正二年奉

旨州縣擇老農之勤勞儉樸身無過犯者歲舉一人給八品頂帶示勸農之意敦本重民振古以來未有也曠典創見身膺者榮紀其人於左

劉心德 熊入夢 鄒國琛 趙彥武 齊炳

邱景河 魏復盛

易志

嘉慶四年欽奉

恩詔軍民年七十以上者許一丁侍養免其雜派差役八十以上者給與絹一疋棉一斤米一石肉十斤九十以上者倍

之至百歲者給與建坊銀兩欽此寶邑舉報七十以上者
民二百零七名

嘉慶十四年正月初一日欽奉

恩詔

同前

寶邑舉報七十以上者民七百三十六名八十以上
者民一百零二名九十以上者民二名

嘉慶二十四年正月初一日欽奉

恩詔

同前

寶邑舉報七十以上者民六百六十四名八十以上
者民二百二十三名九十以上者民十一名

嘉慶二十五年八月二十七日欽奉

恩詔

同前

寶邑舉報七十以上者民二百六十九名八十以上

耆民三十一名九十以上耆民四名

道光十五年十月初十日欽奉

恩詔

同前

寶邑舉報七十以上耆民四百八十二名八十以上

耆民四十七名九十以上耆民四名

按 恩賜耆民爲養老大典陸志漏未載叙茲特補載男
志一條並自嘉慶年起逐一敘入其乾隆年以前無案可
稽故缺

寶豐縣志卷之二

寶豐縣知縣李昉梧纂輯

輿地志上

昔王伯厚嘗云言地理者難於言天何爲其難也日月星辰之度終古不易郡國山川之名屢變無窮卽寶豐觀益信其言之的也寶豐忽裁忽復幅員不及望繁縣之宇彪駁亦少險要然羣山環抱雜以汝潁栢漱諸水螺青鳴綠今猶昔也而名稱之異人自爲說不獨陽人聚養陰里及父城城父議論斷斷無所歸也夫嚴封守戒樵漁考古人之遺跡而審其用心與夫物產之察諠俗之省皆臨政所宜知故次第著於

篇而茲邑之大勢瞭然在目矣

沿革

縣以寶豐名自宋始歷代頻有沿革殷應國

汲郡古文云盤庚七年應侯來朝括

地志云應國在城父元和郡縣志亦云然通典云葉古應國也

路史引盟會圖云汝之魯山有故應城在今葉縣隸汝有應鄉

是漢置縣包入葉境考古圖有雁侯敦陸志釋雁作應謂古字省心周王畿地初為應縣武王封

弟為侯國史漢及韓詩外傳皆云武王以應封弟而左傳國語後漢書與宣和博古圖王伯厚地理通釋並云武王

封子春秋時屬鄭見廣輿古今繼屬韓見漢書地理志又屬周史記周君之秦

客謂周最曰公不若譽秦王之孝以應為太七國時秦封范雎

為應侯劉氏云范雎所封之應在河東臨晉而秦屬潁川郡漢

因之漢書地理志潁川郡父城後漢書云父城有應鄉河三國南通志云漢置父城縣按後漢書馮異亦封應侯

因之

見補三國疆域志及晉書宣帝本紀

晉改屬襄城郡

見晉書地理志

元魏初因之太

延中析故應鄉入武川隸荊州北清郡太和十一年改入山北

隸廣州魯陽郡

見魏書及水經注

十七年廢父城入龍山隸廣州順陽

郡

元和郡縣志云魏太和十八年改置汝南縣據方輿紀要魏又置汝南郡治符璽縣領汝南一縣北齊並廢至隋仍曰汝

南高齊天保中復尋省入龍山

見魏書北史周書隋書按路史父城廢應鄉割併魯山後附葉

縣王伯厚地理通釋云父城縣應鄉故國縣廢入葉縣

西魏廢帝三年析山北之應城置

滎陽隸廣州宇文周因之

見魏志及北史

隋開皇初改龍山入汝南十

八年入輔城又省滎陽入湛水據元和郡縣志開皇時改滎陽

爲湛水縣大業初改輔城入邾城改湛水入犍城併隸汝州襄

城郡

馬志云然

唐武德四年復滎陽隸魯州始折邾城之古鵝城置

龍興隸河南道伊州襄城郡 按元和郡縣志云龍興縣本漢郟城縣 貞觀元年省

九年併省滎陽證聖元年析郟城魯山地復置曰武興神龍元

年更名中興尋又更名龍興隸汝州襄城郡天寶元年後隸汝

州臨汝郡 見唐書據新唐書龍興上縣本滎陽而歐陽忞輿地廣紀則以龍興為中縣按馬志以滎陽與龍興同為

縣者六年龍興廢滎陽獨為縣者九年追龍興再為縣而滎陽廢久矣爾時或滎陽編入封內故編史者遂以為本滎陽耶

五代時隸汝州宋初因之熙寧五年省為鎮入魯山元祐元年

復併置青嶺鎮尋改名興寶宣和二年始改縣曰寶豐隸京西

北路汝州輔臨汝郡陸海軍 見宋史及宋碑按太平寰宇記以廢臨汝入龍興方輿紀要云以縣

有泊鐵場故曰寶豐 金因之 據金史縣有象龍城汝南鎮隸南京路 元至元三年廢入梁縣

隸河南江北道汝州 見元史汝州志元時廢縣為鎮立巡檢司 明初廢梁縣入汝州

按明劉奎誤劉處士墓碑正統時邑猶爲寶豐鎮
而新建寶豐碑則云明初併鎮亦廢不知何據
方輿紀要云

成化十一年析汝州地復置寶豐縣隸汝州以郡人兵侍勝公
昭請於當事入奏從民便也

國朝因之

疆域

天下郡國利病書云寶豐縣東至襄城界在扈家口五十里又
四十里抵縣西至魯山縣界在荆山舖一十五里又三十五里
抵縣西北至汝州界在草店舖五十里又四十里抵州東北至
郊縣界在汝河二十五里又一十里抵縣東南至葉縣界在秋
河七十里又二十里抵縣廣六十五里袤一百二十里讀史方

輿紀要云寶豐縣州東南八十里東南至裕州葉縣百三十里
西至魯山縣八十里王登魁汝州志寶豐縣東至襄城縣界五
十里西至魯山縣界二十里南至葉縣界七十里北至汝州界
六十里李秀發縣志寶豐縣東至襄城縣界五十里西至魯山
縣界二十里南至葉縣界七十里北至汝州界六十里

汝州志云寶豐縣治在省城之西南州治之東南其境跨沙川
而界汝江東北臨郊東南控葉西北抵伊西南達魯廣六十五
里袤一百二十里截長補短爲方百里而竒東至郊縣界四十
里西至魯山縣界一百一十里東南至葉縣界七十里西南至
魯山界十五里東北至郊縣界二十五里西北至汝州界四十

里東南由葉縣路五百里抵汝寧府達湖廣西南由魯山縣路三百里抵南陽府達湖廣東北由邲縣路四百一十里抵大河達京師西北由汝州路三百里抵河南府達山陝

陵志云東至邲縣界四十五里祿庄東二里與邲縣接壤西至伊陽縣界一百零五里黨庄西十五里與伊陽縣接壤南至魯山縣界十八里馬渡街南三里與魯山縣接壤北至邲縣界三十三里大韓庄北三里與邲縣接壤西北至汝州境四十里郭庄西北二里與州境接壤東南至葉縣界六十五里下石橋東南二里與葉縣接壤西南至魯山縣界二十里李庄西南二里與魯山縣接壤

寶豐疆域今因前明明以上不可得而知也秦應鄉今滄陽鎮是也父城縣舊城在今縣東四十里遺址顯然唐以後爲龍興爲寶豐皆卽今縣治也爲父城時今縣治爲封內否爲龍興時舊父城爲封內否今皆無考然偏隅大概竊有得焉元魏地形志廣州魯陽山北縣注有應山應城荊州北清郡武川縣注有滄城皆今滄陽鎮所云故父城縣之應鄉也隋以後魏河山縣爲犍城縣犍城舊址在滄水南近葉縣葉至今以河山名保與寶豐之犍河店曹鎮陶寨諸村落參錯昔俱隸河山縣舊有古碑碑今淪於水譙樓下宋碑云縣管青嶺鎮改名興寶鎮及永仁安樂二鄉鄉今無考而青嶺興寶鎮則今大營宋史孔叟傳

隱居汝州龍興縣龍山之滎陽城牛鼻傳邀敗金人於寶豐之
宋村香山金明昌承安兩大鐘俱云寶豐惟塔下宋元符碑元
護勅碑俱云汝州元符碑乃統於州郡之辭元則縣廢歸州之
倚郭明成化中復縣云割汝州東南五保者是也靈相寺金耿
令宣威禱雨碑云城西觀音沼今土人呼觀音堂又金元碑店
頭東神應觀云寶豐之第四鄉宋村通仙觀云寶豐之第三鄉
又金史之地理志寶豐有汝南鎮舊志不載邑亦無傳度其地
必近汝河今崔家集高鐵爐北高皇廟皆昔大聚落或有一其
是與至諸言地理書西不羹豢龍城有云在襄城有云在龍興
而父城有云在邾城有云在葉縣或當時疆域也

按寶豐四域在元魏時西南實有廣州魯陽山北及荊州北清
郡武川縣地魏書地形志山北縣注有應山應城武川縣注有
滄城皆在今縣境滄陽鎮隋書地志汝南有後魏汝南郡及符
壘縣犍城注舊曰滄陽開皇十八年改曰湛水大業初改名縣
又有後周置武山郡開皇初廢後魏置南陽縣河山縣大業初
並廢入焉有應山是又包入魏汝南符壘南陽河山四縣之境
矣唐書地理志析郟城魯山復置曰武興太平寰宇紀唐證聖
元年割郟城東南之地於此置武興其時縣境東北奄有郟城
矣宋初縣境西最遼濶蓋綿延幾二百里據寰宇記載廢臨汝
縣皆龍興縣地考廢臨汝縣在州西南六十里卽今臨汝街而

洛陽界碑在舊臨汝西八十里亦屬縣境故陽人聚昔之纂志者入於縣古蹟殆有以也元初省入梁縣明復割州東南五保爲今縣地蓋其割併析置之迹畧可推據如此

右邑之疆域如是而諸營之在邑境者雖隸汝而錯列邑之域內去城或僅二三里附志左方以備查核

李文義營在縣西三十五里商酒務保趙官營在縣北二十里商酒務保蕭旗營在縣北八里坊廓保韓家營在縣北十二里坊廓保卽韓家店余官營在縣東南十八里石渠保三里營在縣北三里坊廓保葛家營在縣北三里坊廓保八里營在縣東八里坊廓保李官營在縣東三十里父城保米家營在縣北四

里坊廓保葉家營在縣南二十里石渠保孫官營在縣西北二十里商酒務保姜子營在縣西二十里商酒務保張旗營在縣西三十里商酒務保謝家營在縣東南四里坊廓保房旗營在縣北五里坊廓保魏家營在縣西北三十五里陂北保虎狼營在縣西北四十五里陂北保廖起營在縣西十里坊廓保周旗營在縣南三十里石渠保馬旗營在縣東南十五里坊廓保井家營在縣東南二十五里石渠保柳溝營在縣東南十二里坊廓保石橋營在縣東北三十里石渠保校尉營在縣東南三十里父城保姜旗營在縣北八里坊廓保陶旗營在縣東二十五里父城保陳旗營在縣西二十五里商酒務保楊官營在縣東

南三十里右渠保磨塚營在縣北三十里陂北保魯官營在縣南二十里石渠保東三里營在縣東三里坊廓保北五里營在縣北五里坊廓保西五里營在縣西五里坊廓保

形勝

寶豐南瀼北汝二水橫亘東境與襄郊接者彌望峯巒西則自青條嶺至石門寺數十里中更巒岒崎嶇與汝州魯山地參互盤錯又商賈取徑鷓路者悉由寶豐南趨闔越北趨河朔秦晉牽車肩負絡繹蜂午

山川

魚山

舊志以爲卽魚齒山左傳襄公十八年楚師伐鄭次於魚陵涉於魚齒之下注魚陵魚齒山也在南陽準縣北鄭地又魚齒山之下有瀘水故言涉後漢書郡國志元和郡縣志左傳杜解補正春秋地名考畧胥從其說而范守已以爲上文言子庚治兵於汾注云襄城縣東北有汾邱城茲乃謂魚陵爲魚齒山在南陽豈子庚治兵於襄城及欲伐鄭乃南還走南陽耶然則魚陵之不爲魚齒山明甚况下文又言魚齒山何及於此言魚陵耶水經注湛水源於魚齒山元和郡縣志以魚齒山在縣東六十里春秋地名考畧以魚齒山在汝州東南五十里並以後漢書言襄城有魚齒山誤明史地理志成

化十一年四月析汝州地置寶豐南有汝水又有澠水汝實
在縣北云南者誤成化十二年以汝州直隸布政司東南有
霍山又有魚齒山澠水出於此入葉縣是明代縣旣置魚齒
山仍在汝境未詳何時割入寶豐盛健一採訪事實舊志載
在邑東南四十里春秋楚晉戰於湛阪此其地也杜氏注襄

城昆陽縣北有湛水水經注湛水出犍縣北魚齒山西北東
南流歷魚齒山下爲湛浦方五十步水北悉枕翼山阜今考
其源在邑東南十六里馬跑泉庄北距庄約半里庄所由名
自泉始然源水微經而其流不絕十里外至徐家窪南勢漸
大而成溪矣再東至鄭家營北井家營南勢更瀑張一經秋

雨連縣氾濫無歸自前邑侯徐公疏濬開拓始不爲害再東

五七里經焦家店高皇廟鎮南東流二十餘里由葉境折而東北逕襄境入汝按此水自發源至入汝百有餘里其間橋梁碑記自前明迄今俱以此水爲湛水水旣爲湛則水南之山當爲魚齒山矣水經注水出犇縣北魚齒山西北東南流歷魚齒山下正與此山合且言方五十步則滎南之魚山距湛水不啻二十餘里隔滎隔山何能遽流其下今觀其形勢則滎南之山或以春秋築堤以防滎溢爲南有犇城故也審是則滎南之山非魚山而滎北之山爲魚山矣

括地志云故應城因應山爲名隋書云犍城有應山水經注云舒山而上爲恃山舒山而下爲應山馬志云應讀乙陵反舊志山水俱誤作嬰

九里山

方輿紀要云在縣東三十里以延袤九里而名河南通志云相傳漢高祖敗項羽於此隆志引姚汝臯所記云在縣治東南隅六十里按九里山之西有華山其峯較高未詳其名所自起

龍興山

舊志云卽龍山唐置縣蓋因山以爲名水經注去汝水又東

寶豐縣志 卷之三
九
與龍山水會

香山

馬志云俗呼火珠山增訂廣輿記云上有二峯東曰大龍山
西曰小龍山畫品記汝州香山則香山之名其來久矣

永仁山

按唐書地理志梁縣有永仁山寶豐既析梁縣地而以永仁
名鄉則永仁山亦屬縣境矣

庵羅山

馬志云在城西南二十里元遺山有句云我從商餘之山過

庵羅卽此

荆山

馬志云在城南十五里荆山鋪土人呼爲小店邑與魯山分界處

三堆山

河南通志云唐白居易居此水經注云養水出魯陽縣北將孤山北長岡下數泉俱發東歷永仁三堆山汝州志云三堆山在縣西南酒務山下有白樂天故宅臨汝郡公墓馬志云三堆山自店頭以東至縣北其原尙遠在汝州境

湖浪山

馬志云在縣西北四十五里赴汝州大道實亦三堆山也

蓮屏山

馬志云在邑西九十里五峯並峙疊翠如屏邑傳八境之一
訓狐山

馬志云亦三堆山也在店頭西三里有寺本龍興寺門臨石
河相傳元延祐年濟公和尚說法有狐聽講故以訓狐各寺
按此亦僧家故套鄒道卿永州澹岩寺詩一夜飛鳴報老禪
亦訓狐也訓駟字古通乃駟擾之訓非訓誨之訓汝州志云
在縣西四十里相傳古有訓狐鳥巢棲其間

舒山

馬志云在城南二十里山有白雲寺陸志云山在汝州營地

迤東二里顏家口方入縣境

恃山

水經注云應水出魯陽北恃山

五朶山

方輿紀要云在縣西五十里以五峯相峙而名陸志云在縣西八十餘里

青條嶺

方輿紀要云在縣東四面分水馬志云在縣西四十里陸志載張曦云青條嶺強半屬寶豐入魯境者委餘耳

扁鵲山

河南通志云在縣東南四十里俗傳扁鵲嘗製藥於此上有藥爐遺迹尙在按齊乘鵲山府北二十里王繪注太白詩云扁鵲煉丹於此按扁鵲盧人近在今長清縣地煉丹此山者是河南通志誤

歇馬山

方輿紀畧云在縣東南六十里相傳漢高祖道出宛洛曾駐馬於此

蝦蟆山

汝州志云在縣東十五里狀如蝦蟆故名

交馬嶺

河南通志云在縣東北十五里世傳漢賈復與王莽將嘗戰於此明於此地設巡檢司汝州志作在東北十二里邑三官廟碑記云交馬嶺在北以其甲於諸峯也

鋸齒嶺

陸志云在城西七十里形如鋸齒故名邑之西山重嶺疊嶂各有莫可考者

滴水崖

馬志云在城西七十里巖石峭壁水自石隙流出如聯珠前政李題曰噴珠崖

五子山

陸志云在城西五十餘里自西而東至五龍泉綿延二十里
汝水

馬志云自汝州東南來至磨塚營入邑境徑岳家寨鎮海寺
諸村落東流曲折六十餘里至呂家庄出邑境入郊案方輿
紀要云汝水在縣南二里蓋據宋初廢臨汝縣爲龍興之地
其廢城正在汝水北故云汝水在縣南水經注云汝水出河
南梁縣勉鄉西天息山注地理志云出高陵山卽猛山也亦
言出南陽魯山之犬猛山又言出宏農盧氏縣還歸山博物

志曰汝出燕泉山並異名也今汝水出魯陽大孟山黃栢谷
西卽盧氏界也元和郡縣志云汝水在縣北四十五里西南

從梁縣界流入太平寰宇記汝水在縣北四十里王伯厚詩
地理考引李氏曰汝水周南之水也出汝州魯山東南爾雅
汝爲瀆郭璞注以大水溢出別爲小水之名又曰汝有瀆釋
水引李巡曰汝旁有肥美之地

澧水

馬志云澧水由魯山東南至孫村入邑境東南流徑宋村寇
兆劉村石廟油房南徑吉村齊務曹鎮陶寨諸村落數十餘
里出邑境入葉縣舊志分沙澧爲二此相沿之誤土人至今
以魯山孫村小水爲澧而以鎮南巨流爲沙然孫村水至鎮
南已合而志云至葉縣入沙誤而又誤矣按土人所謂澧水

卽水經注所謂彭水也注云滄水東徑應城南彭水注之俗謂之小淮水出魯陽彭山蟻塢東麓北流經彭山西又東北流至應城南而入滄滄水兩岸流沙彌望如銀故俗謂之沙河然其名不自今也金正大八年十二月元兵渡江而北九年正月癸未兩行省軍發鄧州還備京師蒲察定住等合事十三萬次五朶山下取鷓路至沙河北兵五千待於沙河奪

橋以渡紀事徵言而俗名遂登史矣

按水道提綱云滄水出魯山縣西堯山俗曰沙

河經寶豐南境有小水自東來注之水經注云滄水東迤犍城縣故城北出於

魚齒山下大平寰字記云淮水在縣東南二十八里

說文滄水出南

陽魯陽堯山

東北入汝

橋水 應水

水經注云滢水東徑應城南左合橋水水出魯陽北恃山東南徑應山北又南徑應城西謂之應水馬志云今土人訛恃山爲四山自其下徑柴厓石村温村小店馬渡寨小大諸村庄循應山北至滢陽西折而南又折而東至旃檀寺俗呼草寺而入滢道元注邑諸水惟此水與所注最合緣恃山而東兩岸盡巨石故至今無徙移

井潭

馬志云城南十里其源自西來尙遠然常涸乾至彭家庄地名井潭者始有泉然亦甚細微而其流不絕二里餘經火神

廟後至張家庄勢漸大折而南溢而成溪矣里餘經温村西
又半里許折而南入橋水

湛水

周禮職方氏正南曰荊州說文湛水豫州浸全祖望曰湛是
汝水支流左氏傳襄公十六年晉荀偃欒黶帥師伐楚以報
宋陽梁之役楚公子格帥師及晉師戰於湛阪注襄城昆陽
北有湛水東入汝元和郡縣志湛水在縣東三十里春秋襄
公十六年楚公子格帥師戰於湛阪是也水經注湛水出隼
縣北魚齒山西北東南流歷魚齒山下爲湛浦方五十餘步
湛水又東南逕蒲城北湛水又東於汝水九曲北東入汝杜

預亦以是水爲湛水矣周禮荊州其浸潁湛蓋偶有失考也
通志地理畧湛水舊云出攀縣魚齒山東至定陵入汝疑攀
後來併入葉而定陵乃武陽酈注又云水北悉枕翼山阜父
城東南湛水之北山有長陂宋本作阪下同蓋卽湛水以爲陂故有
湛陂之名也春秋大事表亦云春秋晉楚戰於湛阪卽此

石河

馬志云以酈注所謂養水注云水出曾陽縣北將孤山北長
岡下數泉俱發東歷永仁三堆南又東逕沙川世謂之沙水
歷山符壘北又東徑沙亭南又右會董溝水水出沛公壘西
六十許步其水東北注養按將孤山今屬汝州土人呼尖骨

山石河自彼來永仁沙亭沙川山符壘今雖無傳而三堆則名猶舊邑湖浪山以東皆三堆山元塔里赤墓碑可見石河徑其南又云養東會沛公壘董溝水注汝今龍山沛公壘石河自三堆東流徑山陰下至郊縣寺庄入汝其形勢與酈注依稀相符又京相璠云水在郊西南故疑石河似養水然酈注不相符者多矣故不敢決也又云龍山在邑東亘峙三十餘里岡頭砮罅隨在出泉涓涓細流土人隨意立名惟董溝龍溪名見酈注二水今流猶故然以酈注校不合也河南通志石河在寶豐縣北二十里發源商酒務觀音沼徑流縣北境上入汝

栢水 激水

馬志云舊志之玉帶河乃酈注之栢激耳前明孝宗時前政黃君泰改激水由西城下折而北與栢水合以其環抱邑城名曰玉帶栢水二源南北分瀆今自九子山大營李文驛趙家樓姚庄舖龍泉寺土橋舖五里頭三里營至城西北隅者乃其南瀆自壘子口商酒務桑園樊家庄柳林村以至三里營合於南瀆者乃其北瀆至激水既改今南門外迤東至陳家營周家庄故道依然但酈注云栢激至父城合者今考核克大齟齬竊疑栢水當日猶自東流不得似今至城東隅遽折而南漸逼激水不待至父城而遽合也陵谷變遷津塗狀

改談地理者固不得刻舟而求劍也抑三江彭蠡禹貢且令人致疑矣而況於酈道元哉又云淨腸河之名不知起自何時今河側東嶽廟門豎碑刻云漢膠東侯淨腸河時爲隆慶元年按水經注云激水出魯陽縣之將孤山東南流許慎云出南陽魯陽入父城方輿紀要云青條嶺四面分水其東曰淨腸河合滢水而河南通志誤以爲至縣東南境上入汝白鎡云潤水發源於青條山而東注於寶豐城之西門轉折北流適與北來之水會相傳漢賈復淨腸處也因以名河

犇水

舊志分秋河泥河實皆犇水也而秋爲音之訛其所云泥河

乃其西源水也按水經注滎水又東犇水注之俗謂之秋水非也水有二源東源出犇縣西南踐犢山東崖下水方五十言志不測其深東北流逕犇縣南又東北曲逕其縣東而北合其西源出縣西南頗山北阜下東北逕犇縣西又曲逕其大路衰合二水亂流注於滎馬志云水在縣東南六十里外爲邑邊境寶葉二邑之分界又云西源犇水俗呼泥河發源頗山級犇縣北自魯邑杜家庄入邑境至下石橋遂達滎東源犇水俗呼秋河發源踐犢山繞犇縣南自汝屬梁官營入邑境至下石橋合北犇東達於滎

牛蘭水

馬志云俗呼大浪河發源青條山麓水經注云水發縣北牛
蘭山東南逕魯陽城東又東南與栢樹溪水合

栢樹溪水

馬志云俗呼馬到河發源鐵山龍泉二水舊誤爲一今按注

所云魯山皆指山非謂縣

魯山縣名
在隋唐後

大浪有云黨浪有云達

老而馬到或云馬道皆俗音近而訛據形勢牛蘭山北峽谷

今皆爲寶豐地王麟洲岸酈注云時代陵谷聚落耗登或名

在而邑徙或地是而名非又云波流不改而名號已殊誠哉

是言於二水見之陸志云栢樹溪水源在今青嶺之東牛蘭

水出青嶺東面之西北皆有泉源可指二水合於青嶺南入

魯山境水經注

云

道元守魯陽郡時疆域殆與今異各隨

地遷未可泥古而失今也

馬渡河

馬志云卽橋水上流世傳光武提兵渡此故名按光武起兵
白水往來父城非一計邑境諸水無非其所涉者而此獨得
名何也豈其時有特見事蹟與汝州志馬渡河在縣南十里
發源青條嶺入於河相傳漢光武提兵至此適汝水泛漲軍
競渡故名

五龍泉

河南通志云在寶豐西四十里馬志云栢水中河亂石石罅

有泉噴激其數有五土人因名

浣河

汝州志在縣東北十里發源商酒務金家泉經流縣北境而東入汝舊有浣河舖今廢

踐溝河

馬志云發源於三堆山逸高皇廟自西而北而東至喬家庄入石河土人云水流甚微得岳家寨磨塚營諸處退渠水而勢大雨少過水輒溢傷禾稼俗又呼湖河南至喬家庄入石河

寶豐縣志卷之三

輿地志下

古蹟 陵墓附

荒城遺壘考見前人經營締造之跡而審其用心亦得失之
林也不徒春風亭孝子宅地以人重

豢龍城

太平寰宇記云在縣東南五十里方輿紀要云相傳豢龍氏
劉累嘗居此路史國名紀豢龍城汝之龍興

父城

漢書地理志潁川郡父城據元和郡縣志卽楚太子建所居

之城父杜預及春秋大事表俱云然而十三州志則云太子
建所居城父在今亳州地理志云潁川有父城沛郡有城父
此二名別耳大事表又云楚有兩城父王伯厚跋地理通釋
則曰父城城父之不同此春秋之疑也左傳昭公九年楚遷
許於夷實城父杜注城父縣屬譙郡十九年楚城城父杜注
襄城城父楚無二城父再考晉析潁川置襄城郡父城隸焉
一統志云城父春秋陳之邑名戰國屬楚元廢爲村故城在
亳縣東南索隱以城父卽應鄉正義以城父卽父城據實云
應自應父城自父城不得云父城卽應城父父城混而爲一

悞始杜氏

賈復城

水經注激水東入父城縣與桓水會水出魯陽北山水有二源竒導於賈復城合爲一瀆逕賈復城北復南擊郾所築也俗語訛謬謂之寡婦城馬志云金吾城水經注賈復城也後周置三鷄鎮以禦齊第三鷄入今魯山界斯地近魯故又謂之通鷄城唐析郾城縣西南古鷄城置龍興縣是也昔人更浩然亭改陽城驛皆致敬前賢之意今賈復城斥其名旣不可通鷄則又泯其功案城賈以大金吾擊郾所築宜名之曰金吾城

河山故城

案隋長八寺造象碑龍山之南河山之西云以地案之在

今扁城村河山故城遺跡顯然

期城

案柳子厚趙君墓誌本作龍城縣期城之原城當爲興字之訛龍興蓋割邠縣地置故期城得附於此

汝南城

方輿紀要云汝南城在魯山縣東南後魏永安初置汝南郡通鷄城

元和郡縣志龍興縣城本通鷄城卽後漢賈復城也復南擊

鄆所築後魏太和二十三年孝文帝新征馬圈行至此城昏

霧得三鷄引路遂過南山故呼通鷄城

滎陽城

元和郡縣志滎陽城一名應城在縣南二十五里

輔城

案隋書地理志開皇初改龍山曰汝南十八年改汝南曰輔城此題輔城之由蓋沿於此故錄之以見金時寶豐疆域包入郊縣

講武城

馬志云講武城距塔里赤墓數里城傳卽其所築土人呼爲

古城

符壘城

隋書地理志汝南有後魏汝南郡及符壘縣

孫督師城

馬志云孫督師城城東凡數座癸未督師孫傳廷圍城時所築案綏寇紀畧崇禎十六年九月初八日我師進次汝州之長阜鎮僞都尉李養純迎降聞自成在襄陽西築汝寧及其屬邑鄧襄葉唐邾豐七城者待戰謀者云賊老營在唐縣精銳屯襄陽撤邾縣僞將吏歸保寶豐並兵設守以爲犄角傳廷乃別遣遊擊折增修從魯山間道搗唐縣而督師自以大軍從汝州進初十日我師次寶豐賊已改爲州其守兵多且

樓櫓亦甚固傳廷曰我師前爭利而寶豐或倚其後則背腹受敵矣諭降不下乃留攻之十一日自成來援白廣恩高杰盧典福分兵夾擊戰小利賊却十二日自成再以精騎來援復爲廣恩杰所却我師以是夜克寶豐擒僞州牧陳可新州判姜渭郊縣令周英主簿劉溥僞將蔣山李大存孫月等誅之此督師所由歷建城壘以困賊者也

巾車鄉

後漢書馮異傳光武畧地潁川攻父城不下屯兵巾車鄉註巾車鄉名在父城界馬志云巾車鄉在邑東南五十里今留村一云在父城東北吟王寨

不羹城

馬志云春秋楚二不羹此西不羹也路史云今在龍興之南

安樂鄉 永仁鄉

宣和二年勅改寶豐縣碑龍興管安樂永仁二鄉案永仁鄉亦因山爲名唐書地理志梁縣有永仁山寶豐卽所析汝州梁縣地所置故永仁山在縣境而鄉亦取名

應城

括地志云古之應國在魯山縣東三十里史記正義作四十里

寧安鄉

創修三官廟記洛陽中護衛左所百戶余鏗下在寶豐東南

安寧鄉南范村屯住一營

犇縣故城

水經注潢水又東逕犇縣故城北左傳昭公元年使伯州犁
城犇是也

神林鄉

明成化十八年許淵謨重修漢高皇廟記寶豐治東南神林鄉
青嶺鎮

宋史食貨志提轄京西阮治王景文奏汝州青嶺鎮界產瑪
瑙案此當政和初爲是言是時猶未易名也

興寶鎮

宣和二年勅改寶豐縣碑龍興在郊城縣西南管安樂永仁
二鄉並青嶺近因寶貨興發蒙朝廷賜名興寶鎮

汝南鎮

金史地理志汝州寶豐鎮一汝南

曹鎮

河南通志曹鎮在寶豐縣石渠保宋皇后曹氏生此

犍城府

杜行寶碑陰云杜洪艷隋犍城府校尉

河山府

杜行寶碑陰云杜洪祭隋任河山府司戶

案隋書地理志犍城大業初改名又後魏置河山縣大業初廢入焉隋一代府兵之制最爲極備然獨不審其名稱得此碑所云犍城府河山府蓋亦因地立名而唐世府號多視諸此矣

養陰里

馬志養陰里名見水經注養水以今石河然亦未敢決彷彿且存古蹟京相璠以爲在郊西南或其處陽而稱陰則其地當在養北汝南又酈注扈澗入汝汝又迤爲東長湖入養今扈澗雖涸而郊城西四五里入汝故道依然則所云里在郊西南者度勢當在今卓君舖寄料店諸村落間郊志云當在

其邑西南汝水之右今寶郊以汝爲界汝以南無郊縣地矣

按春秋傳

昭公三十一年

吳掩餘屬庸二公子奔楚楚居之養使沈

尹城之取城父田與之則養必近城父而京相璠以郊縣西南之養當之得無亦誤於城父父城之分與路史亦云由基邑然皆不言居二公子或近城父者亦有一養

安集里

明劉奎謨劉處士墓碑其先

缺二字

人正統初徙家汝州寶豐

鎮之滎陽後復置縣遂

缺

縣之安集里

坊廓里

明嘉靖二十一年劉奎謨觀政進士李西塘墓碑高祖均寶

元末徙家於汝後割汝置寶豐縣遂編籍坊廓里

雙酒務

河南通志雙酒務在寶豐縣西北二十五里其務有六惟銅斗正酒二務其址尙存宋程明道爲酒監卽此

鄭酒務

見金香山寺承安四年鐘識

商酒務

馬志在城西北二十五里宋榷酒之場明道先生監稅朱光庭坐一月春風者卽此也溫公送程子監汝州酒務詩曰惟知負米樂不覺抱關卑出處兩得意是非皆自知按伊川集

明道先生以親老求近鄉監得監汝州酒稅而宋史云以坐
獄逸囚責監汝州鹽稅因新法之初首爲異論也按馬志以
商酒務俗訛作雙考金香山寺鐘識並載雙酒務商酒務金
距宋未遠相沿必有所據蓋非俗流之訛

范睢邑

水經注滄水又南逕應城西范睢所封邑也

龍門關

李志云龍門關在縣東三十里大龍山下元時立巡檢司於此

沛公壘

馬志云秦二世三年沛公與南陽守呂錡戰犍東破之水經

注汝水又東合董溝水水出沛公壘西六十步故漢祖入關
往征是由故地擅斯目壘在大龍山距故犖城四十里俗名
擗鼓臺云漢祖與項羽戰樊噲擗鼓摩旗不知此舉乃攻秦
非戰楚且曹參周勃諸將皆從不止噲

僕射店

馬志云卽邑西五十里店頭也宋富鄭公以僕射判汝州安
集疏民於典後人因以其官名店安集流民詳公奏疏云牒
通判張恂州界諸縣一一相度則當時安集地諸縣應皆有
之卽在邑亦或不止此然卽此而邑之榮光大矣

應鄉

寶豐縣志 卷之三
前後漢書郡國志並云潁川郡父城括地志云故應城古應鄉在汝州魯山縣東四十里

吉村

隋長八寺造像北龍山之南河山之西雉水之東吉村

云云

宋村

馬志云資治綱鑑續編高宗建炎四年留守司統制牛皋追敗金人於寶豐分注金人犯江西者聞兀朮北還亦自荆門引去留守司統制牛皋邀擊敗之於寶豐之宋村在今滎陽鎮東南三里乾隆癸未里人共醵錢建廟於村之東南隅祀

皋邑紳李海觀碑記云宋史載建炎四年統制牛皋敗金人

於寶豐之宋村嗚呼金當天會之初猖獗太甚虜兩宮蹂躪
汴都而且長驅直抵橫行襄楚間自荆門歸牛統制要而擊
之惡氛少挫伯遠誠偉人哉間嘗括南渡全局思之至戰者
忠義君子也附會和議佞邪小人也伯遠於高宗駐蹕初定
之始首建虜功已開朱仙鎮和尚原之先聲及其老也田師
中希檜旨置毒盃酒伯遠爲其所中乃初不以死爲憾而惟
以南北通和爲恨則亦何殊於過河之三呼也綜具生平崖
略洵堪與忠武媲美矣伯遠魯山人宋村實桑梓近地猶憶
幼時從鄉前輩携酒北岡指顧形勝咸曰滎陽至聖裔孔寧
極先生之所流寓也宋村宋名將牛伯遠戰捷之舊區也忠

孝芳躅宜俎豆以爲邑里光乾隆丁丑滄陽孔孝子祠建於
應濱越癸未宋村統制祠落成屬予記之亦可見忠孝根於
人心雖歷千載而不能磨澌有如是也鄉前輩者邑王明經
歌九陳詩張諸生誠齊問政雖奄忽已久例當備書所以明
圖史之有自而癸未之襄厥事者咸得題名于碑陰

陽夏侯第

馬志云陽夏侯第漢馮異故居在父城城內西南隅或云在
城外今皆泯無寸址

臨汝郡公第

馬志云臨汝郡公第元將塔里赤墓三堆山其子萬奴於此

建宅卽今官家衙也

孔孝子宅

馬志云寧極先生隱居澧城厥後子孫遂家焉其故居今不可問卽本傳所云有田數百畝今亦不知轉屬何氏矣

又寧極先生四十五代孫夢溪筆談稱之爲淮南孔某蓋自其曾祖尉桐廬後世遂家淮南其隱居於邑固不自闕里來也又言其竹園近水有塗其竹者念其冬月涉水因架小橋渡澧水難架橋或其園近應水乎

隱居園

夢溪筆談淮南孔敏隱居篤行終身不仕美節甚高嘗有竊

寶豐縣志 卷之三
其園中竹敏愍其涉水冰寒爲架一小橋渡之

案宋史孔敏傳隱居汝州龍興縣龍山之滎陽城此園當在
今滎陽鎮附近惜無可考

醫曹藥院

在城內見香山寺明昌三年鐘識

沙亭

水經注養水又東逕沙亭南故養陰里也案今城東三十里
迤漫皆沙阜連亘當卽沙亭所在

春風亭

河南通志春風亭在寶豐縣城西北三十里宋程明道監酒

稅於此因以立亭

竹居書館

明崇正十年劉令譽創建普度禪林記邑內西南隅有觀音堂一區讀原碣知先爲李子竹居之書館

湛阪

解見前

魚陵

解見前

龍谿

水經注龍山水出龍山龍谿北流際平城縣故城東

葛場

任楓葛場詩序內予王氏行八字瑞流賊陷寶豐被執逼之
 不屈嚼血噴罵賊拔刀脅之罵益厲昂昂引頭觸刃遂盡節
 王年甫十七且病癯當此臨難捐軀志氣奮激天地震動亦
 壯烈也哉塗梗不能返寄塋城西三里卽予友白素爲葛場
 之南畝嗚呼逃生不得死猶旅寄北望吾家并非爾魂之所
 能至矣自是予流離渡河自懷徂衛歷秦晉歸十餘年僅再
 來孤墳荒草淚盡聲乾賦五律自責以慰之其一別却水魂已
 十年孤墳兩見草芊芊我情百薄難容死爾恨千秋倍可憐
 飲血幽芳持淨土思家遠淚漲荒天今來慰望應知否慘淡

垂楊落古烟

其二

汝南汝北水悠悠爾亦淒涼我亦愁暫把貞

魂留異域那知皎月老孤邱高攢野色埋幽淚地隔熟蹤冷

幻遊幾載一來腸萬斷長眠苦守十餘秋

其三

萬死逃生欲少

寬天教全節骨珊瑚生離故國情還咽死落遙山夢更難孤
塚青烽月裡叫十年血淚雨中看無家莫恨南遷日何處貞

松不歲寒

其四

松楸寂寞水潺湲棄爾幽棲在此間縱使有情

來遠夢應憐無力度重山年年苦露淋清影夜夜陰風砭瘦
顏自是水心天地古爭教五骨不生還

其五

既到仍歸恨渺茫

林蕪森暗漫悲傷從來正氣加天護自是百魔見爾藏舊窟
月寒鶴夢冷孤邱烟消鬼啼香若延來歲桃花月接收水魂

寶豐縣志 卷之三
返碭莊

陽人聚

河南通志云陽人聚在汝州城西寶豐縣界上秦遷東周君於此吳孫堅大破董卓軍亦此

馬志辨誤秦莊襄王滅東周遷其君於陽人聚水經注汝水出汝阨逕周平城南又東與三屯水合又東得魯公水口上承陽人城東魯公陂城古梁之陽人聚度其地尙在今汝州西伊陽縣界括地志云在汝州梁縣西四十里王浚儀地理通釋河南府伊闕隋時縣漢曰新城秦紀白起攻新城敗韓

魏於伊闕則聚在今汝州西明矣

按太平寰宇記龍興縣載有廢臨汝縣蓋其地宋初屬縣西矣據記稱在州西南六十里本漢梁縣地唐先天元年十二月割置縣於今縣西南二十里紫邏川置以邑城臨汝水兼郡名爲邑之稱又云洛陽界碑在舊臨汝西八十里是縣西境所包最遠故陽人聚得附屬於此非前志牽率入之

紫邏川

太平寰宇記龍興縣廢臨汝縣本漢梁縣地唐先天元年十二月割置縣於今縣西南二十里紫邏川置以邑城

案九域志汝州梁縣有紫邏山今臨汝街之南有紫邏坡卽其地也川當迤東而北當唐時臨汝城蓋在此矣

雅集石

馬志云邑南十里舊應河驛中河亂石縱橫水流曲折石罅間其西南礪然壁立者刻知邾城晁仲參葉令李喬卿進士孔鳴烹茶於此皇祐壬辰八月十八日

按雅集石又有金題名文云亳社黃德甫邾敖李道弁遠水

高大用陪縣令宣威耿侯缺酒缺一飲於此承安庚申重陽

日後又有缺二懷侯逸名正書字微小于宋刻外有無朝代

可紀者亦大書每行二字凡七行自左行文云葆光全道缺

仁同遊壬寅正月下澣按承安庚申章宗建元之六年也

案晁孝先在邾城嘗懲悍卒及耿侯令于此亦爲民禱雨立

應意其政平民和固宜有此賢者之樂也

白雀寺董展畫

隋董展字伯仁汝南人
以才藝稱尤善於畫官至光祿大夫
殿內將軍鄉里號爲智海見唐裴孝源畫史云展畫汝州白
雀寺

香山寺

晁冲之具茨集香山示孔處厚詩我來南經幾山過馬行以
衝山色破風煙席卷崑穴開澗花縈迴水流左懸崖彷彿聞
松聲下瞰幽深鳥飛墮老夫它年有所歸定結白茅依紫邏
日高下馬古寺門魚鼓欣聞脫清餓道人碧眼照川谷雲起

盤陀藉高坐殷勤勸我更莫歸唳鶴啼猿亦相和窗前笑喚
祁孔賓世間安用招魂些

佩文齋書畫譜畫家傳釋覺心字虛靜嘉州夾江農家少好
遊獵一日縱鷹犬棄妻子出家遊中原作從犢圖詩孔南明
崔德符見而受之招來臨汝連往葉縣東禪及州之天寧香
山三大刹

畫監

河南通志云相傳慈雲大士證道處唐時寺

塔並存 按耿廸吉遵汝山房緒語云寶邑香山本龍興山
不知香山之名起於何時然據冷齋夜話靚禪師居汝州之
香山則香山之名其來久矣至九老閣則後人不考之過也

按唐書白居易本傳居東都履道里疏沼種樹構香山石樓

鑿八節灘與胡杲等燕集則九老結社乃洛陽之香山非有之香山也又寶豐舊志載九老姓名無鄭據李元爽而有之昂狄兼謨此失考之中又失考矣據樂天自序狄兼謨雖與會而不在九老中以年未滿七十也至朱昂則宋水部郎中李文正罷相欲繼樂天事與昂及張好問輩共爲晏集會蜀寇起而罷也

龍興寺畫壁

書畫譜畫家傳汝州龍興寺吳道子畫兩壁一壁作維摩示疾文殊來問天女散花一壁作太子遊四門釋迦降魔筆法奇絕蘇子由魯施百鍊修之韻語陽秋

蘇文忠集子由新修汝州龍興寺吳畫壁

丹青久衰工不藝人物尤難到今世每摹市井作公卿畫手
懸知是徒隸吳生已與不傳死那復典型留近歲人間幾處變
西方畫作波濤翻海勢細觀手面分轉側妙算毫厘得天契
始知真放本精微不比狂花生客慧似聞遺墨留汝海古壁
蝸涎可垂涕力捐金帛扶棟宇錯落浮雲卷新霽使君坐獻
清憂餘幾盞衣紋數衿袂他年弔古知有人姓名聊記東坡
弟

菴羅寺

御訂全金詩增補中州集元好問送弋唐佐還平陽詩汪寶豐山

中有菴羅寺唐佐嘗從程內翰天益問學于此

附元好問送弋唐佐還平陽詩

我從商餘之山過菴羅聞君六經百家富研摩會最上指冠
魏我豈肯俯首春官科覃懷變生十載後我時避兵方北走
通家弋宋共有無行輩許之爲老友晉州一書君肯來握手
大笑心顏開春風着人不覺醉快卷更須三百杯鶴骨騫飛
法當壽況是丹房藥鏡留心久崑崙神泉浸苧芝乞與餘膏
潤衰朽天府學士登瀛洲松項仙人垂直鈎愛君直欲抵死
留自言世事非所求千古黃金鑛中淚不獨盧仝并馬異蘇
州韋郎交分深香山白傅金玉音借渠兩詩寫我心相知非

寶豐縣志 卷之三
不多但苦心不同同心一人去坐覺長安空離愁何從生生
從情愛中不見行路人拂袖自西東汾流滔滔今日千里書
眼高歌吾老矣

甘羅臺

河南通志甘羅臺在寶豐縣城西北世傳秦甘羅與楚盟於
此

馬志辨誤引史記甘羅誑趙割五城予秦外別無事迹不知
舊志何據云與楚盟於此

附陵墓

古周君墓

舊志在縣西九十里深山中未詳何代或云秦遷周天子於
陽人聚塋其地焉

馬志按史居陽人爲東周君

賈剛侯墓

舊志漢膠東侯賈復墓在城內西南隅

賈剛侯墓乾隆四十八年知縣吳宗濂重修

馮陽夏侯墓 王淮陵侯墓 康熙年間庠生馬雲漢立碑

馬志二墓相近在故父城縣東王墓無碑而馮墓碑題大樹
將軍亦前明立也

吉成侯州苞冢

水經注潢水南有漢中常侍長樂太僕吉成侯州苞冢冢前有碑墓西枕岡城開西門門有兩石獸墳傾墓毀碑獸淪移人有掘出一獸猶全不破甚高壯頭去地減一丈許作制甚工左膊上刻作碎邪字門表壘上起石橋歷時不毀

元魏陵

馬志云通志但言在大龍山巔拓跋氏所墓而不言某帝咨治通鑑南北朝已卯歲四月魏主宏殂太子恪卽位九月謁長陵質實引一統志云魏文帝陵在汝寧府汝州東南大龍山上此注屬隸先舛誤汝州歷來不隸汝寧府至云魏長陵則更不知其所據考魏治封大鮮卑至其始祖神元皇帝始

遷定襄之盛樂後又遷代遷平城其墓俱在雲中代北文帝

始遷洛陽南征殂於穀唐原喪還至魯陽太子恪迎柩卽位

宏遷洛陽遂營塋中原禮亦宜之但魏書云塋長陵似仍是

還塋若新卜山陵事體重大史必有特書而記云塋長陵與

其塋景世宗肅敬陵者無以異三宗繼文酈道元注水經

凡龍山事蹟如沛公壘龍谿堊溝無不表章至本朝陵寢反

寘而不及情理甚不似也道元注水經於汝濱諸水自云永平初守魯陽時正在夏陵之後

後周豫州刺史杜行寶墓

周豫州刺史淮南公杜君之墓誌云周天統二年歿于私第

春秋八十有二以隋開皇元年十月一日與夫人合塋於龍

山缺原里之禮也其地東窺邵塚伐楚之跡猶存西跡濱城

避狄之惶如在南鄰滄水神龜游括地之瀾北瞰龍山仙鶴

悲聳天之岫

云云

唐故襄陽丞趙矜墓

柳子厚志其墓云貞元十八年月日天水趙公矜年四十二
客死於柳州官爲斂葬於城北之野元和十三年孤來章始
壯自襄州徒行求其墓不得徵書而名其人皆死無能知者
來章日哭於野凡十九日唯人事之窮則庶於卜筮五月甲

辰卜秦

判直廉切

兆之曰金食其墨而火以貴其墓直丑在道

之右南有貴神冢土是守乙巳於野宜遇西人深目而髯其

得實因七日發之乃覲其神明日求諸野有叟荷杖而東春

間之曰是故趙丞兒耶吾爲曹信是邇吾墓噫今則夷矣直

社之比二百舉武吾爲子藪

祖悅切

焉辛亥啟土有木焉發之

緋衣緞衾凡自家之物皆在州之人皆爲出涕誠來章之孝

神付是叟以與龜偶不然其協焉如此哉六月某日就道月

日葬於汝州龍興縣期城之原夫人河南源氏先沒而耐之

矜之父曰漸南鄭尉祖曰倩之鄆州司馬曾祖曰玠安金紫

光祿大夫國子祭酒始矜由明經爲舞陽主簿蔡帥反犯難

來歸擢授襄城主簿賜緋魚袋後爲襄陽丞其墓自曾祖以

下皆族以位時宗元刺柳用相其事哀而旌之以銘銘曰諱

寶豐縣志 卷之三
也挈之信也。蒞之有朱其綬，神具列之懇懇來章，神實恫汝。錫之老叟，告以兆語，靈其鼓舞，從而父祖，孝斯有終，宜福是與。百越秦秦羈鬼相望，音忘有子而孝，獨歸故鄉，涕盈其銘，旌爾勿忘。

案隋書地理志：襄城郡，郟城，舊曰龍山。東魏置順陽郡及南陽郡。南陽縣開皇十八年改南陽曰期城，既併於郟及唐證聖元年，析郟城魯山復置曰武興，神龍元年更名中興，尋又更名龍興。故期城廢縣入於龍興之境，誌所謂墓期城龍興之原者，此也。舊志及馬志遺而不收，殊失之。

宋樞密直學士寇瑛墓

馬志在縣東三堆山下元直學士寇琢墓今其墓僅存案臧
字次公臨汝人宋史謂其性頗疎財通音律知術數初附丁
謂故少達及謂敗左遷鬱鬱不自得秘書丞彭齊賦喪家狗
以刺之其品行詳宋史

元

臨汝郡公墓

宋民望換輔國上將軍塔里赤墓碑大德五年改福建道宣
慰使都元帥又明年復除浙東道宣慰使都元帥公初收蔡
全中藥矢至是疾作薨於延平驛墓汝州梁縣三堆山左之

陽

馬志在縣北三堆山下元將塔饒志里赤也墓表及元史本

傳載藝文墓表其子萬奴立云其曾祖也里里伯父亦憐赤

拔都而史云父也里里白贈臨汝郡公而史云臨安此史之

悞當以墓表為正

元

保八公墓

馬志在曹鎮有碑已斷仆文云大元贈光祿大夫河南江缺

等處行中書省平章政事追封冀國公諡文愍保八公之民

維至正歲次甲申缺卯男火魯忽達立碑

明

觀政進士李西塘墓

劉奎撰李秉仁墓誌墓於城北瞻獄門外百武許從先兆也
嘉靖二十一年

殉難附學生祀鄉賢陳維明墓

採訪事實陳維明墓在縣西南陳氏先塋維明魯山兗耳陳
庄人明季捍土賊力屈及于襄九同遇害事詳魯山縣志

翰林院侍講學士吳垣墓

楊篤生爲撰墓表云予同年友寶豐翰林侍講學士雲巖吳
君旣葬之二年令子如彥過洧濱屬予文其隧石君之歿嵩
陽侍郎景公狀其行其葬也德州大理孫公志其墓君之世

系妃匹子姓婚姻狀與志詳矣予及最君家世德而表其大節君諸父行同產三人而先尊府屯田公于次爲長先世遺產不踰中人厥後田廛邸第悉所拓大增益廼昆弟析居時悉以均之仲季且惟所擇無吝也迨兩弟先逝復篤惠從子恩勤委曲用是各立室家系籍衣冠而君尤恂恂孝謹丕承先志羣從昆季愉愉怡怡屯田公之所推讓迄君世兩氏子孫安而有之嗚呼汝爲中州名區甲第縉紳踵趾頂背然前明到今閩兩代幾四百年木天之選君先後未有也然有識之士不多君之高科美官而雅以君之孝友祇遍爲足光世胄而重鄉邦噫視茲懿好愈以知君矣因揭而使表於墓上

君諱垣字翰宸號雲疑已酉鄉舉乙丑成進士丁酉十一月

十七日卒於密雲工所得年六十有八塋以辛丑十一月三

日墓在寧村新阡距所居大營鎮三里而遙雍正二年歲次

甲辰季春

蘇松兵備副使王之晉墓

任楓塋墓誌銘云公生於萬歷壬辰卒於康熙丁未卜期戊

申二月十五日塋公於縣西三十里祖兆之東

涉縣學教諭李宏志墓

屈啓賢塋墓表先生世守藏書靡弗博涉淹貫聞人有異書

必借閱而黠校之選授涉縣教諭力辭不就先後邑侯招主

寶豐縣志 卷之三
三
春風書院及門從遊者稱濟濟焉年登大耋以卒葬縣西南
場家庄東北嶺之原

附隋金時舊村

邑之村名歷千餘年未改者隋之吉村

見開皇十二年長八寺造像碑今仍爲

聚落餘如馬村東宋村西宋村白家庄西齊府朱家川阿磨堆
滄陽店江家庄五叉路曹村榆林庄東寇召西寇召東齊府馬
跑泉滄陽村父城村馬杜村橋頭寄料店雙溝村關店村范村
胡家庄東姚店西姚店惠民村東南崗官庄村史度村仇家庄
西留村元家庄東西泮府南崗皆見於金大定三年福勝院牒
而承安四年香山寺鐘識又有龍門店南庄郭店古城保宋家

庄陳村齊府村三樊庄神林村喬家坡陽薛村碾兒頭李望庄
石塚山杏花山青嶺店北渡村諸名北渡村今隸葉爾日固邑
封內耳而近時邑之村名尙多沿金之舊則安土重遷之故也

物產

地脉隨時遷轉百年頓異有不止橘踰淮而爲枳者卽如邑青
條嶺舊產黑鉛白土礬紅之類宋時因特旨改邑曰興寶并載
諸宋史金史稱京西路行司李復亨上言寶豐產鐵募工置冶
可以獲和按兩史皆指當時而言今惟間出礬紅餘悉如石渠
菖蒲久已斷絕卽前政馬修志距今九十四年耳所云州煤盛
行視他處性壯焰熾而有力遠來搬運者春冬間絡繹屬鈴

寶豐縣志卷之三
三
鐸之嚮晝夜聒耳者亦幾富媪泣而空類二東杼柚矣二語本馬志
至穀菽果蓏草木禽魚之屬馬志以非特產并非與他處同產而佳概釀而不錄今從之

風俗

觀風問俗爲政之要也方輿覽勝云土尚端慤民甘勤勞有巢由清風之節宋地里志云墾田不廣民多財賦亦由儉嗇而然介狐相如讀書菴記云人物知名者間出風俗亦庶幾近古雖統爲汝郡言而馬志云汝州四屬城惟伊陽節俗有同洛陽者餘則概一也故節錄汝志及舊志如左而附以近所見聞杜漸

願與邑黎獻共勉之

汝志云寶豐士習朴實不事矜飾着衣忌華

閉門拙

守恥於干人鄙富而驕不尚禮義者卽共席不與酬應或素著名檢雖至窶乏必加殊敬其有孝行卓越之子節烈賢淑之婦衆口同辭陳於上官惟恐弗彰也婦人非至親不相往來不輕見客尤可嘉尙

馬志云寶俗雖同邑而有偏尙者潢南下元之勞佃客賞今歲而勉來年青嶺之賀小滿喜麥秋近而家食新皆有務本重農之意婚禮前期發簡速戚友謂之執客以多爲美中人小可之家謁蹶營辨常有不給於費者

喪則張樂侈諸下里僞物家祭以諸生贊導謂之禮相喪家

先期治具陳請祭日盛張設以歛之事竣勞謝如初戚友張幕結綵祖奠於路者請謝與禮相同燕吊客以酒餽豐腆相尚

右類舉邑俗之崖畧如是至於歲時合節祀先展墓與夫家人相歡讌閭里相慶賀雞豚之社贈答之文皆與鄰境無殊陸志概不繁叙今從之